



# ТОШКЕНТ ОҚШОМИ

2012 йил 17 ФЕВРАЛЬ, ЖУМА

Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 34 (12.095)

Баҳоси эркин нарҳда

## ОҚСАРОЙДА ҚАБУЛ

**Ўзбекистон Республикаси Президенти Ислоҳ Каримов 16 февраль куни Оқсаройда «Юксак билимми ва интеллектуал ривожланган авлодни тарбиялаш – мамлакатни барқарор тараққий эттириш ва модернизация қилишнинг муҳим шарт» мавзусидаги халқаро конференцияда қатнашиш учун мамлакатимизга келган Осие тараққийёт банки (ОТБ) президенти Харухико Куродани қабул қилди.**

Давлатимиз раҳбари меҳмонни юртимизга ташири билан қутлар экан, мамлакатимиз билан кўп йиллардан буён яқин ҳамкорлик қилиб келатган ОТБ ҳақли равишда энг нуфузли ва етакчи халқаро молия муассасаларидан бири эканини таъкидлади. Самарали икки томонлама ҳамкорлик ҳамда бунинг натижасида Осие тараққийёт банки томонидан умумий қиймати 8,6 миллиард АҚШ долларига тенг 35 қўшма лойиҳанинг маъқуллангани бунинг тасдиғидир. Ушбу лойиҳаларни молиялаштиришда ОТБнинг улуши 3,8 миллиард долларни ташкил қилади.

Ўзбекистон ва ОТБ ҳамкорлиги таълим ва соғлиқни сақлаш тизимларини ислоҳ қилишни қўллаб-қувватлаш, энергетика секторининг ишлаб чиқариш қувватлари ва инфратузилмасини, темир йўл ва автомобиль йўллари инфратузилмасини, коммунал хўжалик соҳаларини модернизация қилиш, қишлоқ хўжалигида тузилмавий ўзгаришларни амалга ошириш, молия секторини ривожлантириш каби йўналишларни қамраб олган.

Ўзбекистон билан Осие тараққийёт банки ўртасидаги ҳамкорлик муносабатларида таълим тизимини ислоҳ қилиш соҳасидаги ҳамкорлик алоҳида ўрин тутди. Бундай ҳамкорлик доирасида умумий қиймати 300 миллион АҚШ долларига тенг 8 қўшма лойиҳа амалга оширилди.

Ўзаро муносабатларнинг бугунги ҳолати кенг қўламли йўналишларда жадал ҳамкорлик қилинаётгани билан диққатга сазовордир. Сўнгги йилларда ОТБнинг Ўзбекистондаги операциялари ҳажмининг йиллик ўсиши бир миллиард долларга етди. Хусусан, ОТБ президенти ушбу ташири асосида умумий қиймати қарийб 950 миллион долларлик тўртта лойиҳа бўйича 508 миллион долларга тенг заём битимлари имзолангани раҳимий маънога эга.

Шу билан бирга, Осие тараққийёт банки томонидан 2012 йил 17 январь куни «Сурғил кони негизда Ўстюрт газ-кимё мажмуини барпо этиш ва конни жиҳозлаш» лойиҳасини молиялаштиришда умумий қиймати 400 миллион АҚШ долларини ташкил қиладиган кредит ва кафолатлар билан иштирок этиш тўғрисида қарор қабул қилинган катта аҳамиятга эгадир. МДХ мамлакатларида ягона бўлган ушбу лойиҳанинг Осие тараққийёт банки томонидан қўллаб-қувватланиши тўғрисидаги ҳорижий сармоя ва кредитлар жалб қилишда муҳим катализатор бўлиб хизмат қилади.

Ўзбекистон ва ОТБ икки томонлама шериклик билан бир қаторда, энг муҳим минтақавий масалаларни

ечишда ҳам фаол ҳамкорлик қилиб келмоқда. Бунинг натижасида йилга Ўзбекистондан Афғонистонга узлуксиз равишда 1,2 миллиард киловатт/соат электр энергияси етказиб берилишини таъминлайдиган электр узатиш линиялари фойдаланишга топширилди. Шунингдек, «Ўзбекистон темир йўллари» давлат акциядорлик темир йўл компанияси томонидан Афғонистоннинг Хайратон ва Мозори Шариф шаҳарларини боғлайдиган, ушбу мамлакат тарихидаги ilk темир йўлнинг қурилиши муваффақият билан якунланди. Бу қўшма лойиҳалар Афғонистонда тинчликни мустаҳкамлашга, ушбу мамлакатни ижтимоий-иқтисодий ривожлантиришга ҳамда минтақавий иқтисодий ҳамкорликни янада кенгайтиришга муҳим ҳисса бўлиб қўшилди.

Муқобил энергия манбаларини ривожлантириш Ўзбекистон билан ОТБ ўртасидаги ҳамкорликнинг яна бир янги йўналишидир. ОТБнинг 2010 йилда Тошкентда ўтган йиллик мажлиси чоғида ОТБ президенти Х.Курода томонидан илгари сурилган қуёш энергетикаси ташаббуси доирасида жорий йилнинг 16 февраль куни Ўзбекистон Республикаси Фанлар академияси иштирокида муқобил энергия манбалари соҳасида замонавий технологияларни ишлаб чиқиш борасида нуфузли марказ бўладиган қуёш энергияси бўйича қўшма халқаро илмий тадқиқот институтини тузиш ҳақида келишувга эришилди.

Ўзбекистон Республикаси Президенти Ислоҳ Каримов Ўзбекистон Республикасининг Осие тараққийёт банки ва бошқа халқаро молия институтлари билан ҳамкорлигини ривожлантиришга салмоқли ҳисса қўшгани, ижтимоий-иқтисодий ислохотлар дастурини амалга оширишга, минтақавий ҳамкорликни кенгайтириш ва мустаҳкамлашга фаол ёрдам кўрсатгани учун ОТБ раҳбари Харухико Куродага давлатимизнинг юксак муқофотини – «Буюк хизматлари учун» орденини топширди.

ОТБ президенти самимий қабул ва юксак эътибор учун мамлакатимиз раҳбарига чуқур миннатдорлик билдириб, Осие тараққийёт банки Ўзбекистон билан ҳамкорлик қўламини янада кенгайтиришдан манфаатдор эканини таъкидлади.

Учрашувда томонлар ўзаро ҳамкорликнинг бугунги ҳолати юзасидан фикр алмашиб, истиқболда ҳамкорлик муносабатларини янада кенгайтиришнинг устувор йўналишларини белгилаб олдилар, Ўрта Осиеда минтақавий ҳамкорликни ривожлантириш масалаларини муҳокама қилдилар. (ЎЗА)

## ПОЙТАХТНИНГ БИР КУНИ



## ЎЗБЕКИСТОН ТАЪЛИМ ТИЗИМИ — ЖАҲОН СТАНДАРТЛАРИ ДАРАЖАСИДА

Халқаро конференция иштирокчиларининг бир гуруҳи ташири буюрган Олмазор туманидаги 243-умумтаълим мактаби пойтахтимизда энг намунали мактаблардан биридир. 2004-2009 йилларда Мактаб таълимини ривожлантириш Давлат умуммиллий дастурига мувофиқ мактаб «Меҳр нури» нодавлат нотижорат жамоат хайрия жағфармаси қўмағида капитал таъмирланди ва унинг моддий-техника базасини мустаҳкамлаш ишлари амалга оширилди.

Мактаб директори Насиба Нишонваннинг айтишича, ана шу ишлар натижасида ушбу билим даргоҳи бутунлай янгича қиёфа касб этган. Айни вақтда мактаб қулай ва сифатли мебель, ўқув-лаборатория ускуналари, компьютер техникаси, зарур адабиёт ва кўргазмали воситалар билан таъминланган. Бу ердаги спорт ва мажлислар заллари, ошхона, компьютерлар билан тўлиқ жиҳозланган синф, кимё ва физика машгулотлари учун лабораториялар 2400 нафардан ортиқ ўқувчи иштироғига берилган. Яратилган бундай шарт-шароитлар конференция қатнашчиларига ўчмас таассурот қолдирди. (Давоми 2-бетда)

«Юксак билимми ва интеллектуал ривожланган авлодни тарбиялаш – мамлакатни барқарор тараққий эттириш ва модернизация қилишнинг муҳим шарт» мавзусидаги халқаро конференция иштирокчилари 16 февраль куни пойтахтимиздаги умумтаълим мактаблари, касб-хунар коллежлари, олий таълим муассасаларида бўлиб, таълим соҳасида амалга оширилаётган ислохотлар самаралари, таълим даргоҳларида ўқувчи ва талабаларга яратилган шарт-шароитлар билан яқиндан танишдилар.

«Юксак билимми ва интеллектуал ривожланган авлодни тарбиялаш – мамлакатни барқарор тараққий эттириш ва модернизация қилишнинг муҳим шарт» мавзусидаги халқаро конференция иштирокчилари мамлакатимизда таълим соҳасида амалга оширилаётган ислохотлар натижалари тўғрисида ЎЗА мухбирларига ўз фикр-мулоҳазаларини билдирдилар. Аман АГАРВАЛ, Молия институти проректори (Хиндистон):

– Ўзбекистонда истиқлол йилларида асрга татигулий ишлар амалга оширилди. Замонавий жиҳозлар билан таъминланган таълим муассасалари нафақат пойтахтда, балки барча ҳудудларда бунёд этилгани ва самарали фаолият юритаётгани бунинг ёрқин далилидир. Турли соҳаларга иқтисодлашган олий ўқув юрталари ва коллежлар малакали кадрлар тайёрлашга хизмат қилади. (Давоми 2-бетда)

## Сўз – конференция иштирокчиларига

## УЗОҚНИ КЎЗЛАБ ЮРИТЛАЁТГАН ОҚИЛОНА СИЁСАТ САМАРАЛАРИ

«Юксак билимми ва интеллектуал ривожланган авлодни тарбиялаш – мамлакатни барқарор тараққий эттириш ва модернизация қилишнинг муҳим шарт» мавзусидаги халқаро конференция иштирокчилари мамлакатимизда таълим соҳасида амалга оширилаётган ислохотлар натижалари тўғрисида ЎЗА мухбирларига ўз фикр-мулоҳазаларини билдирдилар.

Аман АГАРВАЛ, Молия институти проректори (Хиндистон): – Ўзбекистонда истиқлол йилларида асрга татигулий ишлар амалга оширилди. Замонавий жиҳозлар билан таъминланган таълим муассасалари нафақат пойтахтда, балки барча ҳудудларда бунёд этилгани ва самарали фаолият юритаётгани бунинг ёрқин далилидир. Турли соҳаларга иқтисодлашган олий ўқув юрталари ва коллежлар малакали кадрлар тайёрлашга хизмат қилади. (Давоми 2-бетда)

## ОТБ ВА ЎЗБЕКИСТОН ҲАМКОРЛИГИ ИЗЧИЛ РИВОЖЛАНМОҚДА

**Пойтахтимизда 2012 йил 16 февраль куни Осие тараққийёт банки (ОТБ) президенти Харухико Курода билан Ўзбекистон Республикаси Бош вазирининг биринчи ўринбосари, молия вазири Р.Азимов умумий қиймати 508 миллион АҚШ долларига тенг тўртта заём битимини имзолади. Хусусан, 2011-2015 йилларда инфратузилма, транспорт ва коммуникация қурилишини ривожлантиришни жадаллаштириш дастури доирасида Мароқанд-Қарши участкасида темир йўллари электрлаштириш учун 100 миллион долларлик заём битими имзоланди.**

Қишлоқ жойларда тасдиқланган намунавий лойиҳалар асосида уй-жой, муҳандислик коммуникация ва ижтимоий инфратузилма объектларини қуриш дастури доирасида қишлоқ жойларда уй-жой қурилишини ривожлантириш бўйича қиймати 200 миллион долларлик заём битимига ҳам имзо чекилди. Андижон шаҳрида сув таъминоти ва санитария хизматларини яхшилаш, жумладан, канализация тармоқларини реконструкция қилиш, Жиззах вилоятининг Зафаробод ва Арнасой туманларида, шунингдек, Қорақалпоғистон Республикаси ҳамда Хоразм вилоятининг қишлоқ аҳоли пунктларида сув таъминотини яхшилаш учун 58 миллион долларлик заём битимлари имзоланди.

Электр энергиясидан фойдаланиш самарадорлигини ошириш, жумладан электр энергиясини назорат қилиш

ва ҳисобга олишнинг автоматлаштирилган тизимини жорий этиш учун 150 миллион долларлик заём битими имзоланди.

Ўзбекистонда айни пайтда халқаро молия институтлари билан яқин ҳамкорликда электр энергетика соҳаси босқинча-босқинча модернизация қилинмоқда, муқобил энергия манбаларидан кенг фойдаланишга қаратилган ҳуқуқий ва ишлаб чиқариш базаси яратилмоқда.

16 февраль куни Осие тараққийёт банки президенти Харухико Курода иштироғида қуёш энергияси бўйича қўшма халқаро илмий тадқиқот институтини ташкил этиш лойиҳасининг тақдимоти ўтказилди.

Тадбирда Ўзбекистон Республикаси Фанлар академияси президенти Ш.Солиҳов муқобил энергия манбаларини ривожлантиришга доир қатор лойиҳаларни, шунингдек, қуёш энергияси бўйича халқаро илмий тадқиқот институтини ташкил қилиш концепциясини тақдим этди.

Учрашув якунида ОТБ ва Ўзбекистон Республикаси ҳукумати ўртасида Қуёш энергияси бўйича қўшма халқаро илмий тадқиқот институтини ташкил этиш тўғрисида меморандум имзоланди. Ушбу ҳужжатда ОТБ томонидан қуёш энергетикасини ривожлантириш лойиҳаларини амалга ошириш учун 200 миллион АҚШ доллари ажратилиши кўзда тутилган. (ЎЗА)

**XXI саҳоси**  
Барча манбалардан олинган суғилли хабарлар

## МАМЛАКАТИМИЗДА

• Хоразм вилоятида Ўзбекистон Республикаси Олий Мажлиси Сенати Қонунчилик ва суд-ҳуқуқ масалалари, Мудофаа ва хавфсизлик масалалари қўмиталари, парламент юқори палатасининг маҳаллий ҳокимият вакиллик органлари фаолиятини кучайтиришга қўмақлашувчи комиссияси ҳамда халқ депутатлари Хоразм вилояти Кенгашининг кенгайтирилган қўшма мажлиси бўлиб ўтди.

• Самарқанд вилояти Ёшлар марказида «Оиланинг давлат муҳофазасида бўлиш кафолатлари» мавзусида минтақавий давра суҳбати бўлиб ўтди. Мустақкам оила йили муносабати билан ташкил этилган мазкур тадбирда Сирдарё, Жиззах ва Самарқанд вилоятларида фаолият юритаётган фуқаролик ишлари бўйича судлар, адлия идоралари ходимлари, хотин-қизлар қўмиталари раислари, маҳалла маслаҳатчилари ҳамда бошқа ташкилотлар вакиллари иштирок этди.

• «Истиқлол» санъат саройида етук аллома Заҳриддин Муҳаммад Бобур таваллудининг 529 йиллигига бағишланган шеър ва кўшиқ кечаси бўлиб ўтди. Кечада Бобурнинг ғазал ва рубоийларидан намуналар ўқилди.

• Қорақўл туманидаги «Севинч» фирмаси раҳбари Гулнора Севинчованинг саъй-ҳаракати билан пахта тозалаш корхоналари чиқиндиларидан нотўқима матолар тайёрлашда фойдаланиладиган қалава ип ишлаб чиқариш лойиҳаси амалга оширилди. Ушбу кичик корхона шарофати билан 30 та иш ўрни юзага келди, жамoa кучи билан тайёрланган 114 минг сўмлик дастлабки хом ашё буюртмачиларга етказилди.

## ЖАҲОНДА

• Кеча Камчаткада Россия президентлигига сайловларга олдиндан овоз бериш жараёни бошланди.

• Кеча Нью-Йорк хом ашё биржасида ўтказилган навабтадаги савдолар чоғида нефтнинг нархи 0,51 долларга кўтарилиб, бир баррели 102,31 долларни ташкил этди.

• Европа Иттифоқи оғир иқтисодий ҳолатга тушиб қолган Греция мамлақати ташкилот томонидан қўйилган учта шартни бажарса, яна молиявий ёрдам берилишини маълум қилди. Шу муносабат билан кеча Греция кредит берувчиларга 350 миллион евролик маблағни иқтисод қилиш юзасидан тузилган режани тақдим этди.

• Италия пойтахти Рим шаҳрида зилзила рўй берди. Мамлакат Геофизика ва вулканология миллий институти хабарига қаралганда 3,4 балли ер силкиниши маркази пойтахтдан 70 километр узоқликда жойлашган Латина шаҳрида қайд этилган. Қурбонлар ва вайроналар ҳақида маълумотлар йўқ.

• Кеча Нигерияда йирик автоҳалокат рўй берди. Иккита автобуснинг ўзаро тўқнашиб кетиши натижасида 32 киши ҳаётдан кўз юмди.

• Шу кунларда Арктикада АҚШнинг Нью-Йорк шаҳридан икки баробар катта ҳажмдаги муз бўлаги қўчиш арафасида турибди. Ҳозиргача муз қоялардан ажралиб чиққан бўлакнинг узунлиги 30 километрдан кўпроқни ташкил этмоқда. Тез орада ушбу миқдорнинг 9 километрдан ошиб кетиши тахмин қилинмоқда. Олимларнинг фикрича, бундай катта ҳажмдаги музнинг қўчиши океан сатҳининг сезиларли даражада кўтарилишига сабаб бўлиши мумкин. (ЎЗА)





ДИҚҚАТ: ЯНГИ ЛОЙИХА! АЗИЗ ҲАМШАҲАРЛАР!

Тошкент шаҳар ҳокимлиги Ахборот хизмати, «Toshkent» телерадиоканали ДУК, «Тошкент оқшоми» ва «Вечерний Ташкент» газеталари ҳамда «Toshkent.uz» веб-сайти Тошкент шаҳар ҳокимлиги масъул раҳбарлари, тегишли бошқарма ва ташкилотлари билан ҳамкорликда «Қабул кун» лойиҳасини тақдим этди.

Энди ҳар ойда бир кун Сиз шаҳар ҳокимлиги раҳбарлари, пойтахт туманлари ҳокимлари, бошқарма ва ташкилот мутасаддиларига тегишли йўналиш бўйича ўзингизни қизиқтирган масалалар юзасидан мурожаатлар қилиш ва уларга жавоблар олиш имкониятига эга бўласиз.

2012 йил 29 февраль чоршанба кун соат 20:20 дан 21:00 гача Тошкент шаҳар ҳокимлиги Халқ таълими бош бошқармаси раҳбарияти қабул кунини ўтказади. Унда таълим соҳасидаги ислохотлар, умумтаълим мактаблари, мактабгача таълим муассасаларидаги таълим сифати, педагог кадрлар тайёрлаш ва уларнинг фаолияти самарадорлигини ошириш каби масалалар кўтарилди, соҳа ходимлари ва фуқароларнинг шу мавзуга дахлдор бўлган саволларига батафсил жавоблар берилди. Сиз ҳар кун ҳокимлиқнинг info@toshkent.uz электрон манзилига, шунингдек, Тошкент шаҳар ҳокимлиги Ахборот хизматининг 233-13-21 телефон рақамига, 29 февраль кун соат 20:20 дан 21:00 гача «Тошкент» телерадиоканали студиясига ўрнатилган бевосита телефон рақамларига кўнгироқ қилиб ўзингизни қизиқтираётган савол билан мурожаат қилишингиз мумкин. Савол ва масалаларни жўнатганда ёки ёзиб қолдирганда ўзингизнинг шахсингиз ҳақидаги маълумотларни, шунингдек, телефон рақамингизни қолдиришингизни сўраймиз. Юборилган барча масала ёки саволларга жавоблар берилди. Азиз юрдошлар, Ватан келажаги ва равнақи йўлида ҳаммамиз масъулмиз!



Болалигим болдай ширин

РЕЖАЛАР БЕЛГИЛАНДИ

Ўзбекистон хорижий мамлакатлар билан дўстлик ва маданий маърифий алоқалар жамиятлари Кенгашида 2011 йил якуни бўйича ҳисобот мажлиси бўлиб ўтди. Мажлисида Дўстлик жамиятлари Кенгаши раиси С. Гулямов Кенгаш ва дўстлик жамиятларининг 2011 йил бажарилган ишлари бўйича батафсил тўхталиб ўтди.

Сўнг энг яхши фаолият кўрсатган «Ўзбекистон — Америка», «Ўзбекистон — Греция» дўстлик жамиятларининг ҳам йил давомида амалга оширилган ишлари ҳақида жамият раҳбарларининг қисқача ҳисоботи тинланди. Тадбирда Кенгаш котибияти раҳбари ўринбосари К. Ишонходжаев дўстлик жамиятларининг 2011 йилда олиб борган фаолияти ҳақида фикр билдирар экан, эришилган ютуқлар билан биргаликда айрим сустраси ишлаган жамиятлар ҳақида ҳам фикр билдирди. Келгусида Ўзбекистон нуфузини хорижга кенг тарғиб этишда Кенгаш ва жамиятлар фаолиятини

янада жонлантириш лозимлиги ва бу борада қандай ишларни амалга ошириш ҳақида ҳам тўхталиб ўтди. Тадбир сўнггида Кенгашнинг 2012 йил учун иш режаси белгилаб олинди. Мажлисида ўттиздан ортиқ дўстлик жамиятлари раҳбарлари ва Кенгашнинг Андижон, Фарғона, Сирдарё, Хоразм ва Қорақалпоғистон вилоят бўлиmlлари вакиллари, оммавий ахборот воситалари ходимлари, кўплаб нодавлат ташкилотларнинг раҳбарлари иштирок этди. М. АБДУЛЛАЕВА

Спорт янгиликлари

«ЛОКОМОТИВ»ДА ЯНГИ ФУТБОЛЧИ

Ўтган йили Фарғонанинг «Нефтчи» клуби таркибига тўп сурган моҳир футболчи, Ўзбекистон миллий ва олимпия терма жамоалари аъзоси Ислом Тўхтаўжаев айни кунларда Тошкентда.

Гап шундаки, жорий йилдан «Локомотив» жамоасига бош мураббий этиб тайинланган арманистонлик мутахассис, собиқ футбол юлдузларидан бири Хорен Оганесян Ислом Тўхтаўжаевни ўз жамоасига жалб этди. Жорий йилда ўз олдида профессионал футбол лигасида совринли уринлардан бирига эгалик қилиш мақсадини кўйган «Локомотив» клуби мураббийлари ҳимоя чизигини мустаҳкамлаш мақсадида Ислом Тўхтаўжаев билан шартнома имзолашга муваффақ бўлишди.

РАҚИБЛАР МАЪЛУМ

Маълумки жорий йилда ёшлар ўртасида футбол бўйича Осиё чемпионати саралаш турнири бўлиб ўтади.

2014 йилда Бразилияда футбол бўйича навбатдаги жаҳон чемпионати бўлиб ўтади.

ЖИДДИЙ СИНОВ АРАФАСИДА

Ушбу нуфузли мусобақанинг Осиё минтақаси саралаш турнири учинчи bosқичида муваффақиятли иштирок этиб, ҳозирча пешқадам бўлиб турган Ўзбекистон миллий терма жамоаси ўқув-йиғин машғулотларига зўр бераётганлиги барчага маълум. Шунингдек, 29 февраль кун Япониянинг Нагоя шаҳрида жаҳон чемпионати саралаш турнири учинчи bosқичининг Япония — Ўзбекистон миллий терма жамоалари ўртасидаги сўнгги тур гуруҳ беллашуви бўлиб ўтади. Ушбу баҳсда ҳам фақат ижобий натижа учун ҳаракат қиладиган терма жамоамиз 25 февралда сафарда Жанубий Корея миллий терма жамоаси билан назорат-ўртоқлик учрашувида қуч синашади. Ушбу ўйинга имкон қадар мамлакатимиз ва хориж чемпионатларида тўп сураётган энг иқтидорли чарм тўп усталари жалб этилган. Бу ўйин футболчиларимизнинг жисмоний ва руҳий имкониятлари қай даражада эканлигини кўрсатиб беради. Акбар ЙҮЛДОШЕВ

Ёнгин хавфсизлиги хизмати томонидан оммавий ахборот воситалари, реклама банерлари орқали бериб борилаётган аҳоли учун зарур бўлган оголантирувчи, реклама роликларига эса аҳамият ҳам қаратмаймиз. Аммо, «Танганинг икки томони бор» деганларидек, биз катталарнинг бу бепарволигимиз эртага ўзимиз, айниқса оила аъзоларимиз учун салбий оқибатларга олиб келиши мумкин.

Мана шундай кўнгилсизликларнинг олдини олиш борасида мутасадди идоралар ҳамкорлигида жойларда турли тадбирлар, давра суҳбатлари ҳамда мактаб ва мактабгача таълим муассасаларида кўргазмаларни ўтказиб келинмоқда. Бинобарин, ёнгинларнинг олдини олишда барча туманларда аҳоли ўртасида мунтазам ўтказилаётган бу каби тарғибот-ташвиқот ишларининг аҳамияти каттадир. Шуларни инобатга олган ҳолда Бектемир тумани ИИБ ЁХБ ёнгиннинг олдини олиш бўлими ходимлари ҳам жойларда турли чиқишлар қилиб, аҳоли ўртасида суҳбатлар ўтказаётир. Ушбу бевосита мулоқотлар самарадорлигини янада ошириш мақсадида болаларга ёнгин содир бўлганда уни бартараф этишда биринчи қилинадиган ҳаракатлар ўтатириш чаралари томонидан тушунтириб боришда, шунингдек, бирлам-

Қорли мавсумда кўпчилигимиз қишнинг совуқ изгиринидан ҳимояланиш мақсадида ҳар хил йўллар билан уйлариимизни иситиш пайида бўламиз. Баъзан билиб, баъзан эса билмаганга олиб стандартларга тўғри келмайдиган, қолаверса махсус текширишдан ўтмаган бўлсада хонадонимизга турли иситиш мосламаларини ўрнатамиз.

«01» ЭЪТИБОРЛИ ВА ҲУШЁР БЎЛАЙЛИК

чи ўт ўчириш воситалари, замонавий ўт ўчириш анжомлари ва уларни ишлатиш тартиблари кўргазмалар шаклида ўргатилмоқда. Булардан ташқари, ота-оналарнинг эътиборсизлиги туфайли ёки бошқа сабабларга кўра юзага келган ёнгинни ўчириш ёки олдини олишда Бектемир тумани ИИБ ЁХБ ёнгиннинг олдини олиш бўлими ходимлари аввало ўзини ҳимоялашни кичкинтой гулгунчаларга ўргатишга алоҳида эътибор қаратишмоқда. Уларга шундай ҳодисалар содир бўлганда биринчи навбатда нималарга

эътибор бериш кераклиги қайта-қайта ҳаётий мисоллар орқали тушунтирилмоқда. Дарҳақиқат, доно халқимизнинг «Кўза кундамас кунда синади» нақли бугунги кунда ҳам ўз аҳамиятини йўқотгани йўқ. Ёнгин хавфсизлиги ходимларининг туну кун қилаётган бу каби саъй-ҳаракатлари эса эртага кимнингдир умрининг бевақт ҳазон бўлиши ва кўнгилсиз ҳодисанинг олди олиншида муҳим омилдир. Элдар ИНОЯТИЛЛАЕВ, Бектемир ТИИБ ЁХБ инспектори, кичик сержант

Advertisement for Afrosiyob train service, including contact information and a photo of the train.

ОЗ-ОЗ ЎРГАНИЧ ДОМО БИЎЧУР

ҲИКМАТ — ДИД ЧИРОҒИ ТЎРТЛИКЛАР

Ваъдага вафо виждоннинг нақши, Сўз берсанг сўзингда турганинг яхши. Ўзидан кетгани ўзга тан олмас, Инсонсан, ўзингда турганинг яхши. \* \* \* Қоқилсанг тур сан, андуҳга ботма, Ношуд дастурхонин таомин тотма. Бургут парвозига боқмоқлик ҳам бахт, Чумчуқлар қасрининг пойида ётма. \* \* \* Кескир деб мақтайсан, ўзинг билмайсан, Қўлингдаги пичоқ кимнинг ғарази. Бепарво арчасан, парво қилмайсан, Олма пўстлоғида, олма орази. \* \* \* Юлдузлар шуъласи кўзингга тушмас, Ой доғин сояси юзингга тушмас. Алардек беминнат чимдим нур сочсанг, Кибр ҳаволари сўзингга тушмас. \* \* \*

Сўзингга нур бўлса диллар очилгай, Кўзингга нур бўлса йўллар очилгай. Яхшилиқ ёрингдир ҳар ишда, Маҳмуд, Ортингдан дуога қўллар очилгай. \* \* \*

Савобни унутмоқ балки осондир, Гуноҳни унутмоқ, билсанг гумондир. Минг дўстинг кўнглингни кўтарган билан, Гуноҳинг кечгувчи ёлғиз Раҳмондир. \* \* \*

Орзу қистайверар, лек имкон қани? Дардинг ўртайверар, лек дармон қани? Дунё бир кам деса хушламайсан ҳеч, Армонсиз яшаган бир шодон қани? \* \* \*

Куёш ҳар тонг кулиб чиқади, Чиқишни билиб чиқади. Зулмат отлик ёмонлик кўксин Минг бир жойдан тилиб чиқади. \* \* \*

Олам остонаси қайдан бошланар, Балки тунда ойдан бошланар. Вале куёш ботарда айтар, Кўнгил отлиқ сойдан бошланар. (Давоми бор) Маҳмуд ТОИР

Advertisement for Uzgidromet company, offering meteorological services.